

Jamiyat to'g'risida ma'lumot

“Andijon biokimyo zavodi” AJ 1953 yilda gidroliz zavodi sifatida tashkil topgan. Zavod asosan furfurol, ozuqa xamirturushi, furfurol spirti va boshqa maxsulotlar ishlab chiqargan. 1994 yilda zavod qayta rekonstruktsiya qilinib, O'zbekiston Respublikasi Vazirlar Maqkamasining qaroriga asosan etil spirti ishlab chiqaruvchi biokimyo zavodiga aylantirilgan. So'ng Vazirlar Mahkasining 1999 yil 26 noyabrdagi “2000-2001 yillarda xorijiy investorlarni jalb qilgan holda korxonalarni davlat tasarrufidan chiqarish va xususiyashtirish chora-tadbirlari to'g'risida”gi 511-sonli qaroriga xamda Davlat mulk qo'mitasining 2000 yil 7 noyabrdagi 167-PO sonli buyrug'iga asosan “Andijon biokimyo zavodi” ochiq aksiyadorlik jamiyatiga aylantirilgan.



Jamiyat aksiyadorlarining 2014 yil 1-avgustdagi navbatdan tashqari umumiy yig'ilish qaroriga asosan va “Aksiyadorlik jamiyatlari va aksiyadorlarning xuquqlarini himoya qilish to'g'risida”gi yangi qonuniga muvofiq aksiyadorlik jamiyatiga aylantirilib, Andijon shaxar xokimligi xuzuridagi tadbirkorlik sub'ektlarini ro'yxatdan o'tkazish inspeksiyasi tomonidan 2014 yil №8896 raqami bilan ro'yxatga olinib, jamiyatning yangi taxrirdagi ustavi va guvoxnomasi olindi.



“Andijon biokimyo zavodi” aksiyadorlik jamiyatining ustav fondi 22 067 749 ming so'mni tashkil etib, jami aksiyalar soni 5 414 070 dona. Shundan 2 762 020 donasi 51,02 % aktsiya paketi “O'zsharobsanoat”ga, 2437080 donasi 45,01 % aktsiya paketi tashqi investorlarga sotish uchun davlat mulkini boshqarish organida, 214970 donasi 3,97 % aktsiya paketi mexnat jamoasining ulushi xisoblanadi.

Jamiyatning asosiy faoliyati

ozuqali etil spirtini ishlab chiqarish va realizatsiya qilish;
korxonada, tashkilot va fuqarolarga xalq iste'mol mollari ishlab chiqarish soxasida ishlarni bajarish va xizmatlar ko'rsatish, xalq iste'mol mollari ishlab chiqarish va sotish shuningdek ishlab chiqarish-texnik maqsadlar uchun maxsulotlar ishlab chiqarish;
yangi texnologiyalarni joriy etish va qayta ishlash, NOU-XAU, yangi maxsulotlar ishlab chiqarish va sotish, marketing va innovatsiya soxalarida xizmatlar ko'rsatish;
Savdo do'konlarini tashkil etish, ulgurji va chakana savdolarni amalga oshirish;
binolarni, ko'chmas va ko'char mulklarni ijaraga berish;
tashqi iqtisodiy faoliyat, O'zbekiston Respublikasi qonunlariga muvofiq eksport-import operatsiyalari faoliyati bilan shuqullanish;
axoliga transport, komunal va tibbiy xizmatlar ko'rsatish;
O'zbekiston Respublikasi qonunlarida ta'qiqlanmagan boshqa faoliyatlar tulari bilan shuqullanish.

Korxonaning umumiy er maydoni 57,49 gektar bo'lib, undan 43,69 gektari uzumzor yordamchi xo'jaligi, 9,208 gektar er maydoni ishlab chiqarish, 1,0 gektar yopiq er maydonlari, 3,512 gektar temir yo'l va avtotransport er maydonlari qamda gimnastika maktabini 0.08557 gektar er maydoni mavjud.